




Broj:
Sarajevo, 19.05.2015.

**PREDSTAVNIČKOM DOMU
PARLAMENTARNE SKUPŠTINE
BOSNE I HERCEGOVINE**

 BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO	19.05.2015		
Organizaciona jedinica	Klasifikacija	Stavak	Stranica
01-02-2		710/15	Priloga

Predmet: Prijedlog rezolucije o genocidu u Srebrenici

Poštovani,

Na osnovu člana 167. Poslovnika Predstavničkog doma Parlamentarne skupštine BiH („Službeni glasnik BiH“, broj 79/14), podnosimo **Prijedlog rezolucije o genocidu u Srebrenici**.

S poštovanjem,

Poslanici u Predstavničkom domu
Parlamentarne skupštine BiH

dr. Denis Bećirović


Mirsad Mešić


Zaim Basković

Polazeći od potrebe da se, dvadeset godina nakon potpisivanja Dejtonskog mirovnog sporazuma, Predstavnički dom Parlamentarne skupštine Bosne i Hercegovine očituje u vezi s genocidom u Srebrenici i ratnim zločinima u Bosni i Hercegovini,

Uvažavajući presude Međunarodnog suda pravde i Međunarodnog krivičnog suda za bivšu Jugoslaviju,

Cijeneci značaj Rezolucije o Srebrenici koju je usvojio Evropski parlament 2009. godine,

Naglašavajući važnost utvrđivanja pune istine i pomirenja u procesu evropskih integracija,

Na osnovu člana IV.4.(e) Ustava Bosne i Hercegovine i člana 167. Poslovnika Predstavničkog doma ("Službeni glasnik BiH", broj 79/14), Predstavnički dom Parlamentarne skupštine Bosne i Hercegovine je na __. sjednici, održanoj __. __. 2015. godine, usvojio

REZOLUCIJU O GENOCIDU U SREBRENICI

1. Predstavnički dom Parlamentarne skupštine Bosne i Hercegovine (u daljnjem tekstu: Predstavnički dom) odaje počast svim žrtvama genocida i izražava najdublje saučešće porodicama žrtava genocida u Srebrenici, počinjenog u julu 1995. godine;
2. Predstavnički dom odaje počast svim nevino stradalim žrtvama u Bosni i Hercegovini u periodu od 1992. do 1995. godine, bez obzira na njihovu naciju i vjeru;
3. Predstavnički dom podržava tekst Rezolucije o Srebrenici koji je usvojen na Prvoj plenarnoj sjednici Evropskog parlamenta, održanoj 14. i 15. januara 2009. godine u Strazburu;
4. Predstavnički dom, uz uvažavanje već pokrenutih istražnih i sudskih procesa o jednom broju slučajeva, poziva pravosudne i druge nadležne organe vlasti da stvore sve formalno-pravne, organizacione i druge neophodne pretpostavke za suočavanje sa istinom o genocidu i svim ratnim zločinima počinjenim u Bosni i Hercegovini;
5. Predstavnički dom ocjenjuje da je privođenje pravdi preostalih bjegunaca osumnjičenih za genocid, zločine protiv čovječnosti i ratne zločine, preduslov za izgradnju trajnog mira i stabilnosti u Bosni i Hercegovini i regionu;
6. Predstavnički dom naglašava važnost dosljednog poštivanja Konvencije o sprečavanju i kažnjavanju zločina genocida i izgradnje državne politike na vrijednostima mira, tolerancije i pomirenja;

7. Predstavnički dom ocjenjuje da:

a) osuda genocida u Srebrenici i ratnih zločina u Bosni i Hercegovini nije samo obaveza po sudskim odlukama nego i uslov za izgradnju demokratskog, otvorenog i pravednog društva u Bosni i Hercegovini;

b) svako negiranje, opravdavanje ili relativiziranje genocida i ratnih zločina predstavlja neprihvatljivo i nedopustivo ugrožavanje mira, slobode i sigurnosti građana i naroda Bosne i Hercegovine;

c) svaka rehabilitacija ideja i ideologija koje opravdavaju genocid i ratne zločine i njihove izvršioce predstavljaju nove zločine koji su u Bosni i Hercegovini nedopustivi i kažnjivi;

8. Predstavnički dom zadužuje Vijeće ministara Bosne i Hercegovine da u najkraćem roku Parlamentarnoj skupštini Bosne i Hercegovine dostavi zakonske projekte koji će omogućiti da:

a) Bosna i Hercegovina kroz svoj pravni sistem i postupanje državnih organa jasno osudi i zakonski sankcionira svaki pokušaj relativizacije i negiranja genocida u Srebrenici i ratnih zločina počinjenih u Bosni i Hercegovini;

b) Bosna i Hercegovina ojača pravosudni sistem i stvori uslove za efikasnije gonjenje svih učesnika u krivičnim djelima koja sadrže elemente genocida, kršenja humanitarnog prava, izazivanje nacionalne, rasne i vjerske mržnje i netrpeljivosti, ratne propagande ili pozivanja na rat;

c) Bosna i Hercegovina svoj sistem obrazovanja zasnuje na potrebi da se mladi vaspitavaju u skladu s općeprihvaćenim civilizacijskim vrijednostima koje promoviraju mir, slobodu i demokratiju, te na istini i jasnoj osudi genocida i ratnih zločina počinjenih u prošlosti.